

**Bosna i Hercegovina
Federacija Bosne i Hercegovine
Tuzlanski kanton
MINISTARSTVO ZDRAVSTVA**

Broj: 13/1-30-031288-1/25
Tuzl, 20.10.2025. godine

Na osnovu člana 60. Zakona o zdravstvenoj zaštiti Tuzlanskog kantona (»Službene novine Tuzlanskog kantona« broj: 12/25), člana 8. Zakona o ministarskim, vladinim i drugim imenovanjima Federacije Bosne i Hercegovine (»Sl. novine Federacije BiH«, br.: 12/03, 34/03 i 65/13) i Odluke o utvrđivanju Standarda i kriterija za imenovanja na upražnjene pozicije u reguliranim organima grada Živinice („Službeni glasnik grada Živinice“, br.: 13/20 i 10/25), Ministarstvo zdravstva Tuzlanskog kantona, raspisuje

**JAVNI OGLAS
za izbor i imenovanje člana Upravnog odbora
JZU Dom zdravlja Živinice**

I – Objavljuje se javni oglas za izbor i imenovanje:

Jedanog člana Upravnog odbora JZU »Dom zdravlja« Živinice - predstavnik Ministarstva zdravstva Tuzlanskog kantona

II – OPIS POZICIJE

Nadležnosti Upravnog odbora: donosi pravila/statut ustanove, imenuje i razrješava direktora, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima/statutima ustanove, odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima/statutom ustanove, odgovara osnivaču za rezultate rada ustanove, odlučuje o prigovoru zaposlenika na rješenje kojim je drugi organ određen pravilima/statutom ustanove odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju ustanove i vrši druge poslove u skladu sa zakonom i pravilima/statutom ustanove.

III MANDAT I NAKNADA ZA RAD

Mandat člana upravnog odbora-predstavnik Ministarstva zdravstva Tuzlanskog kantona traje četiri godine uz mogućnost ponovnog imenovanja u skladu sa zakonom ili do isteka mandata ostalim članovima upravnog odbora imenovanim po javnom oglasu. Imenovani kandidat ima pravo na novčanu naknadu za obavljanje dužnosti, u skladu sa posebnom Odlukom Gradskog vijeća Živinice.

IV OPĆI USLOVI

Kandidati trebaju ispunjavati slijedeće opće uslove :

1. da su stariji od 18 godina,
2. da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja upražnjenje pozicije,
3. da se na njega ne odnosi član IX 1. Ustava Bosne i Hercegovine,

V POSEBNI USLOVI

Pored općih uslova kandidati treba da ispunjavaju slijedeće posebne uslove :

1. da je državljanin Bosne i Hercegovine,

2. visoka stručna sprema,
3. jedna godina radnog iskustva,
4. da je zdravstveno sposoban,
5. da nije član upravnog ili nadzornog odbora u više od jednog reguliranog organa,
6. komunikativne i kreativne sposobnosti za savjesno, odgovorno i odlučno obavljanje upražnjene pozicije,
7. sposobnost nepristrasnog donošenja odluka,
8. rezultati rada ostvareni tokom prethodnog radnog angažmana,
9. preporuke ranijih neposrednih rukovodilaca,
10. poželjno poznavanje stranih jezika,
11. da nema privatni finansijski interes u reguliranom organu u koji se kandiduje.

Posebni uslovi iz tačke 6., 7. i 8. će se izraziti ocjenama 1 do 5.

VI POTREBNI DOKUMENTI

Kandidati su dužni uz potpisanu prijavu na Javni oglas priložiti:

1. kraću biografiju, adresu i kontakt telefon,
2. izvod iz matične knjige rođenih,
3. uvjerenje o državljanstvu,
4. diplomu o završenoj stručnoj spremi,
5. dokaz o radnom iskustvu,
6. ovjerenu izjavu kojom dokazuju da ispunjavaju ostale opće uslove iz tačke IV. – Opšti uslovi podtačke 2., i 3. i tačke V. i Posebni uslovi podtačke 5., 10. i 11).

Ljekarsko uvjerenje dostavljaju samo oni kandidati koji budu izabrani od strane Gradskog vijeća.

VII – DODATNA POJAŠNJENJA

Javni oglas će biti objavljen u Službenim novinama Federacije BiH, dnevnom listu „Večernji list BH“, a bit će otvoren 15 dana od dana objavljivanja, računajući od dana poslednjeg objavljivanja.

Prijave sa potrebnom dokumentacijom dostavljaju se lično ili poštom preporučeno u zatvorenim kovertama na adresu: Ministarstvo zdravstva Tuzlanskog kantona, Centralna pisarnica Vlade TK, ul. Fra Grge Martića br. 8., 75000 Tuzla, uz naznaku:

»Prijava na javni oglas za izbor i imenovanje člana Upravnog odbora JZU Dom zdravlja Živinice – NE OTVARATI«.


Dokumenti priloženi uz prijavu moraju biti originali ili ovjerene kopije i ne stariji od šest mjeseci.

Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o kandidatima.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjua dužni su priložiti akt kojim je kandidatu data pismena saglasnost od strane rukovodioca organa državne službe za obavljanje dodatne djelatnosti.

Neblagovremene i nepotpune prijave neće se razmatrati.



MINISTAR

Prim.dr. Dušanka Bećirović